

Мокишэрьянь
ВЛКСМ-нь обкомт
и Саранскань
Горкомт газет-
на

Редакция адресон:
Саранск, ул. Карла
Маркса 9—Комсо-
молонь вайгаль

Газетать питнец
квас 60 трешник



КОМСОМОЛОНЬ ВАЙГЯЛЬ

14
ОКТАБРЬСТА
1935 КИЗОНЯ
114 (215) №
Лисенди омбоце киз коти 12

ВЕЛЕТЬНЕНДИ ЦЕБЯРЬ КУЛЬТУРНАЙ ТОВАР

Рабочайхнен и колхозникнень материальной положениаснон ке-подеманц мархта нинге сяда пяк-касы культурнай потребностна. Аш фкявок тяфтама предприятие, коса ба афоль уль физкультурнай, музыкальной, шахмотно—шашеч-най и лия кружокт. Путой эрь кол-хозса, эрь совхозса работамода меле эрь шинь ваймама восток арась физкультурнай площадкатне, клубне, морфатама кудтне и якстерь уженятне. Инь оцю инте-рес культурнай работа няфнихть од ломаньне. Музыкальной инстру-ментне, шахматне и шашкатне, физкультурнай инвентарсь арьсь необходимой предметокс эрь од ломаньти.

Тя положениась аф случайнай. Минь Мордовиянь трудяй ломат-не, конат инголе сембе пяльде ульсть люпштафт оцю азоронь ве-ры пильге мархта, тани коммуни-стической партиять руководстванц ала строяхть радостнай социали-стической эряф.

Кда сясаськ кизефксть, кода минь мишеньди и производящай организациянеке обеспечендакш несазь велень од ломаттнень куль-турнай потребностснон, то эряви азомс, што мянь тнярс лама руко-водитель тя тевть лангс ваны сур пачк.

Нльня Саранскань ошень мага-зинтнень эса йофикс кржа куль-турнай товарда. Идены налхксе-мод башка пятай мезевок аш. Прокс калдыз положениась районга.

Рыбкинань райцентрань мага-зинца 50-70-шка кой кодама кни гада башка кодамовок культур-най товар аш. Тяфтама-жа поло-жениась Горбюев районца, Ромо-дановань районца, Ардатовань и лиява.

Мезьса сиви азондомс тя безоб-разнай положениась? Васендакиге можно азомс облпотребсоюзть и лия торгующай организациятнень безобразнай отношениаснон марх-та. Маргомс аш товархт тя аф ви-де. Мянь тачинь шис облпотребсо-юзонь базаса ашихть 40 тьожань цалковаень питне разнай куль-турнай товар конатнень йоткса ашихть 150-шка футбольнай мя-чень камерат, а вдь кизонь перьф нят камератнень аф улёмаснон ингса ламоксть сязеньдевать фут-болса налхкоматне. Тяфта-жа 40 тьожень цалковаень питне культурнай товар ашихть ГОРГ-ть базаса.

Кода няеви нят товархне ашихть складгэ, ашихть эсост ярмакне, но вели синь аф кучсевичть. Нльня визькс корхтамс, што сембе Мор-довиява велень клубтнень и морф-тома кудтнень эзга лувондови ань-чек 93 пар шахматт.

Мишеньди организациятненьди эряви шарьхкодемс, што тяфтама бюрократической отношениась миньдейнек аф пяхкодевичть тру-дйхнен нят оцю потребностна.

Велетьненьди эряви кучсемс це-бярь культурнай товар. Тя товарсь эряви сатомс и аф кирьнемс склад-са.

Итало-Абиссинской войнась

Вии контратакат абиссинецнень ширьде

Лондон. Аддис—Абебастонь сем-бе сообщениатне корхтайхть ожесточенной бойхнень колга Ад-дуй районца сяс, мес абиссинецне няфнихть вии контратакат.

Итальянецнень мархта Аксумть заняманц колга сообщениатне аф-видет. Итальянецне анояласть Ак-сумть сявомс двойной атакань план северть ширьде и востокть ширьде. Итальянскй войска-тне вятихть операций горнай тайня-ня проходтнень эзга, коса какраз цебярхть условиятне абиссинской снайперхненди. Абиссиниянь круп-най частькс молихть Аксумть ши-ри.

Абиссинецне таки заньчихть Аддуй окрестностензон эса. Пач-фнесазь, што абиссинецне арьсихть кемокставомс пандтнень йоткс 64 км. югу Аддуй эзда.

Ня шитнень абиссинской ми-нистрсь тусь Аддуй фронту. Азон-лсазь, што сон ускыне мархтонза Негусть инструкциязон италиянь войска-тнень каршес активной наступательной действиятнень колга.

Женева. Швецарскй „Базлер нах-рихтен“ газетать специальной кор-респондент конат ульсть Ога-денть абиссинской провин-циянц главнай ошесонза Харарса. Сьормады Абиссинияса положени-я колга.

Харар ошсь учи итальянскй воз-душнай атакать эса. Ламоц аватне и идьтне тусть ни ошста и кишень-дихть вирьга и паксыва. Алян на-

селениясь-жа аноклай неприятельть мархта васедемат. Корреспон-дентсь няйсь оцю мяль населени-я эса тачинь оружие и войнань вятма современной способтнень тонадомаснонды. Эрь шиня тонаф-нихть новобранецт, конатнень воз-растсна 12 кизоста сявомок 60 ки-зоти модемс. Ламосна синь эздост йордазь эсь национальной одежаснон и щасть европейскй Хакт.

Харась аноклай оборонати

Негуссь тушенды фронту

Севернай райоттнень арелямс ла-дыф 600-шка тьожатть обиссиниянь войска. Негуссь арьси кафта неды-ляда меле лисемс 120 тьожань армиянц мархта Дессити (стратеги-ческий пункт северо—востоку Ад-дис—Абебать эзда). Тя армияти ули шовордафтф соньцен 5 тьожань гвардиянц, конат йотазе современной тонафнемат. Аддис — Абебать и Дессить йоткса аноклафни ки.

Харарастонь сообщениат коряс итальянскй воздушнай вии атакать-

неньди изь тиев паника абиссинской войска-тнень йоткса. Огаденскй фронтса абиссинецне пяк лац ис-пользовандасазь вастонь особен-ностьтнень сяс, штоба сяда кржа тиеньдемс юмафкста эсь йоткстост. Мэярда итальянецне атакавандазь Горахайть, тьожатть абиссинецт азоклаф планонь коряс кадозь эсь онопснон и юмафтсь анычек 12 ло-матть Абиссинецне корхтайхть, што синь тя фронтса срафтсь фкя итальянскй самолет — разведчик.

Партизатне вятихть действият Эритрейса

Итальянскй колонияса Эритрея-са абиссинскй войска-тнень нас-туплениясна моли успешна. Абис-синецне тачи тиеньдихть угроза Аддуй угрить, конат ащи 40 км. север шири пограничной Мареб рекать эзда. Синь йорайхть шьо-воремс сят отрядтнень мархта, ко-нат фатязь Аддуй Кайеть (72 км. Аддуй угрить эзда). Кда теест сави шьоворемс, то, кода арьсихть, марс пуроптф вийхне кармаихть сяземонза (перерезать) машина кить, конат ащи Массаугь и Ас-март йоткса.

Абиссиниянь солдаттне таки вя-тихть партизанскй действият и сатнихть оцю успехт. Итальянскй самолеттне лиеньдихть пандтнень вельксса и пятай йофси аф няихть мишетть, коза-ба йорямс бомбат. Аддис Абебаса получаф сведе-ниятнень коряс, абиссинскй сол-даттне скрось кайсезь лангс ша-маснон крхтапа и неприятельти аф няевиста (сяс, мессинь теласна разчт) суавасть Аддуйграту, кода васенда панезь итальянскй вой-ска-тнень, а тядя меле меки по-тасть.

СОЮЗНАЙ ПРОСВЕЩЕНИ- ЯСЬ АПАК ПУРОПТТ

Березник. Октябрть васеньца шистонза райкомсь пуроптсь ком-соргонь совещания, коса ванондф кизефксь комсомольскй полити-чебат колга. Эрь комсоргсь тись информация кода ащи тевсь ком-сомольскй политучебат йотаф-неманц мархта. Но корхнемс ламос изь сяс, сяс мес йотай кизонь аф-сатыкстне, тятденге мусть васта. Лама организациява кунара ни лоткасть занятиятне (3—5 ков), кру-жокне сратсь, корхтамась моли сян колга, штсба ваномс кода йотафтф организационнай работась кружокнень организовадамаснон, укмплектовандамаснон к о л г а. Районца пяк кржа комсомольскй организацият, конат ба сентябрь ковста йотафнелхть занятият. Лама вастова йофикс ашезь проработо-нда коминтернань 7-це конгресст решениянзон. Нинге все срхксихть проработка ушедоманцы.

Аф сембе комсомольскй полит-школатне комплектовандафт руко-водителсь, а кой-коса тя инь эрявикс тевть тиезья формальнаста Вов Пиянзинской комсомольскй организацияса комсомольскй поли-тшколань руководителськ пүтозь Аношкинть, конат сьопозень член-скй взносоны ярмакнен, и улихть лия проступканз, конаньди тя тевть доверять аш кода. А кда кадомс сон руководителськ,—значет мак-сомс возмознхсть комсомольскй политшколате педа-пес калафто-манца.

Эряви инь кемоста вачкодемс сят фактнень ланга, кода улихть ни сигналхт, што ладыф комсомоль-скй шитнен эзда занятиятнен аф йотафнесазь всякай-туфталонь ко-ряс. Эрь школань руководителти, комсоргити эряви ладымс станя тевть, штоба плантть коряс тонафне-мань шитне йотафневолхть аккурат найста, аф нолнемс сязеньдема, и омба шиньди кадондома.

ВЛКСМ-нь райкомсь видеста тии, што пүтозе кизефксть сентябрь 29-це шистонза С.Найманскй ком-сомольскй политшколат заняти-янц сяземанц инкса муворхнен колга ванондомс бюронь заседа-нияса. А тоса тевсь лиссь станя, што тя шине школате руководи-телец кучфоль колхознай бригад-най пуромксонь йотафтома, конань сьонедас сязьфоль школате заняти-я.

Тядя башка райкомсь эсь бюро-ни заседаниясонза кулхондозе кой-кона комсомолецнень самоот-четснон, кода синь занимаданки-хть комсомольскй политшколаса. Эряви тачикиге васень заняти-ятнен пингста ладымс тевть станя, штоба афоль уль занятиян фкявок сязевома, и ладыф часстасон уше доманц.

И. К.

КУЛЬТУРНО-МАССОВАЯ РАБОТАСЬ ЛАДЯФ

Саранск. Мокишэрьянь рабфакса тонафнемат нинге васень уше-домста сявомок цебярьста ладыф культурно-массовой работась.

Васендакига тя няеви сян эзда што эрь выходнонь карша и вы-ходной шитненге пуропневихть марстонь студенческой вечерхт, коса улендихть физкультурнай выступленият, дикламациян азон-домат, марстонь играт, танцт и стак тов.

Рабфакса ламоксть ульсть няф-тьфть лама кинокартинат.

Тиеньдехихть лекцият междуна-

роднай темася, кепотьксоньди ок-тябрь 12-це шистонза рабфаконь клубса преподавательсь Подшивай-лов ялгась, тийсь лекция Италло-Абиссинскй войнат колга, коса пяк лац азондозе Подшивайлов ялгась Италиянь акулатнень зах-ватнической политикаснон. Студент-тне кулхондось оцю внимание мархта, лекцияда меле ульсть максф лекторти кизефкст.

Рабфаконь дирекциясь и проф-комсь клубу рамасть гармошка.

Станя жа октябрь ковть рамафт патефонтт. Кой-кона общжитиянь

комнатава улихть йотаффт радио

Клубса ули пуроптф струнный ор-кестр, коза рамафт лама музы-кальной инструментт.

Улихть пуроптф кафта корхт-Мокишэрьянь и рузонь, конат тиен-дсть выступленият вечерса.

Лама комнатас дирекциясь ра-мась гитарат, балалакат и стак тов.

Л—н.

Келкафтувоце шись

Октябрь 7-це шистонца иляднь заседаниясь

Социализмат ингса тюремаса СССР-нь од ломаттнень воспитан-дамасон колга эсь докладонц Че-моданов ялгась ушедозе „минь масторсонок од поколениять биог-рафиянц эзда“.

— Кодама цебярь и лучезарнай минь странасонок минь идьнеконь тьяниень эряфсна,—корхтай доклад-чиксь.—Тяфтама видекоксонь безоб-лачной детствать колга, тяфтама паньжезь паньжи коность колга, канешна, ашель кода и арьсемска вечна вачеда ащекшни идьнянень-ди, конат шаченць и кирьнесть жалкай эряф оцю азоронь Росси-янь мрачной менельть ала.

СССР-сь—единственной странась, кося реальнайста, а аф формаль-найста, йотафть всеобщай обяза-тельнойста и питьнефтема тонаф-немась. Кда революциясь сатсь партиятнень ваксса аф 8 миллион-да лама идь, то тьяни советской школань валда класснень пашкоч-несазь советской идень 27 милли-оннь армиясь. (Кядень цяпамат).

Васень пятилеткань кизотнень эзда миллион пеля мартода лама комсомолецт ульсь мобилизован-дафть народонь хозяйствань разнай отраслява. Омбоце пятилеткаста комсомолсь пуроптсь соревнования техникать тонадоманц ингса. Аш кодамовок возможность азондомс сембе тейнень, конатнень мархта пашкодфть ты пингонь комсомоль-ской летописсь.

Мзярда Чемоданов ялгась корх-тай орденца казф лама сядот ком-сомолецнень колга, конгрессь виш-ка кядень цяпамаса азонды при-ветствия героической ленинской комсомолти.

Советской Союзсь—сембе мастор-лангса единственной страна, ко-нань эса аш васта национальной враждати, кося паньжезь-паньжи пях лама народностнень братской сотрудничествасна, конац мольфне-ви полной равенствать коряс. Со-ветской властсь паньчсь Восто-конь авать инголи, авань од ло-маттнень инголи эряфти сембе кенькшнень. Сон тиезень туркмен-катнень, узбеккатнень, таджиккат-нень полнаправнайсь. Азербайжа-нонь промышленностьса работай киветне тьожаньда лама тюрчанка. Азербайджанонь правительствань члетьнень йоткса—42 ава. Туркме-нияса васеньце тийф парашютнай вышкаты лангста васеньцесь ко-мотьсь парашютнай комсомолкась Тулиева ялгась. (Кядень цяпамат).

Эрь кизоня, эрь ковня кась авать и стирьнять ролец производствась,

колхозса, государствать лангса уп-равлениясь синь рольсна, кась сонь грамотностьсон и культур-най уровень. 1930-це кизоня за-водга, фабрикава мастерскойга ра-ботасть 3.697 тьожань ават и стирь-нят, 1934-це кизоть пенцты—7 мил-лионда лама.

Тя кизоть ушедоманцты комсо-молть йоткса лувондовсть 800 тьо-жань ГТО-нь значиксты, 600 тьо-жань од „ворошиловский стрелок“ конат аноклафт од рабочайхнень и колхозникхнень йоткса, 300 тьо-жань стирьнят анокт санитарнай оборонати, 40 тьожань планерист 200 тьожань ломань комотность па-рашютнай вышкань праста, а тьо-жатть комотность самолетста. (Кя-день цяпамат).

1935-це кизоня рабфакнень эзга тонафни 330 тьожаньда лама ра-бочай од ломатть, нолдаф тьяка жа кизоня рабфакнень эзда высшай школава тонафнемь 69 тьожань 17 кизоти пуроптф 548 од высшай учебнай заведенийт. (Кядень цяпа-мат). Высшай школагнень эзга пц-тай 70 процентсь рабочайхть и рабочаень идьт (Кядень цяпамат).

Советской од ломаттне активнай-ста работайхть государствать лан-гса управлениясь. СССР-нь ЦИК-са 12 члетьне—од ломанень предста-вительхть, РСФСР-нь ВЦИК-са—10 ломатть, УССР-нь ЦИК-са—23 ло-мань и ст. тов.

Советской Союзса кась од ло-мань. Сонь касоманц лангс парти-ясь, правительствась, сембе социа-листической обществась шарфни-хть пях оцю мяль. Кодамот од ло-маньхть качества? Сон предан-най рабочай классь тевонцты, преданнай партияти. Минь од ло-маньке пях кельксазь эсь социа-листической родинасон. Минь—рабочай классь васеньце поколе-ния, конатнень ули настоящай родинасна (сембе залса ламос кя-день цяпамат).

Советской патриотизмань чувст-вась арси ся колмоце качества сос-тавной пяхксонс, конань мархта отличандакшневи од ломаньц. Тя качества—эсь интернацио-нальной долгоньконь кемоста шарь-хкодемац.

Минь поколенияньке эрь ась колксса шачфни видекоксонь (ге-ройхть и минь поколенияньконь героизмац—од ломанть нинге-фья огличительнай ширец).

Нят чувстватне и отношениятне тиендыхть почва, конань лангса касонды од мораль. Трудсь минь масторсонок арси „честень тевкс,

славань тевкс, доблестень и герой-ствань тевкс“. Од моральти ом-боце чертакс арси общественной социалистической собственность лангс ваномась, конац ащи соци-алистической обществать основаса. Мекпяли, ломаттнень йоткса ог-ношениять эса конатнень аш за-висимостень чувствасна и пях-ксе достоинствадост, эвондакш-нихть од чергат, конат характер-найхть социалистической ломань-ти. Ялгань отношениятне, конат основандафт фья фьянь кельго-мать лангса, марстонь цельхнень и интереснень лангса, марстонь работамать и тюремать лангса ти-еньдихть производстваса, семияса, эряфса, взаимно отношениянь од формат. Минь аш противоречият индивидумть и коллективть йот-кса. Ся мезе тьячи страфтф целай поколениять эса, пуроми эрь ло-манть эс, и эста сембе мирть ин-голи сембе серенц мархта стай советской богатырень—мыслянь, волянь, чувствань гигантонь поко-лениясь. (Вишкя ламос моли кя-день цяпамат).

Советской странань трудяй од ломаттнень нят пях оцю сатфкс-сна, нят гигантской победасна атак макст коста бди. Минь стра-нань трудяенькя, конатнень йот-кса и од ломаттневокс, сатозь синь рабочай классь врагонзон кар-шес вишкста тюрезы.

СССР-нь комсомолсь, кода ни-тинь содасасть, казф Якстерь бое-вой знамянь орденца. (Вишкя кя-день цяпамат. Сембе стайхть. Де-легациятне юзачникхть: „рот фронт“, „ура“, „вансу эй“).

Хозяйственной фронтса героикс работаманкса, социалистической фья-фьянь йотамаса и ударничест-васа инициативать ингса ленинс-кай комсомолсь казф омбоце ор-денца—Трудовой якстерь знамянь орденца. (Кядень цяпамат).

Эсь героической работанц мар-хта ВЛКСМ-сь сатсь оценка, ко-нань максозе теенза Сталин ял-гась: „Ленинской комсомолсь ульсь и лядонды од резервокс минь революцияньконьди“.

Минь комсомолонькя, минь од ломанень сембеда пях эсь эряф-сост дорожат большевистской пар-тиять тя довериянц мархта. Ста-лин ялгать довериянц мархта.

Вишкста кядень цяпазь и рево-люционной моронь моразь кон-грессь приветствовандакшнесыне Чемоданов ялгать валонзон миро-вой пролетариатть великай вож-денц колга.

1934-киз. Сталинонь лемса Саран-скаень „Гигант“ колхозса лувон-довсть лама комсомолецта и ульсь комсомольской организациявок, комсомольской организаторкс ра-ботаць Ларионовсь, конац комсо-мольской организацияв прях изь няфнекшне, комсомолецнень йотк-са кодамовок работа изь вятне и содась анычек винада симманц и хулиганствань вятманц. Нят безоб-разнятьнень вятманкса Ларио-новсь ульсь валхтф комсорг ши-ста и паньф колхозста.

Тя пях пара, што хулиганть—пьяницаць валхтозь и панезь рабо-таста, но кальдф ся, што Ларио-новть валхтомда меле йффикс срадсть комсомолецне и срадсь комсомольской организацияське и ВЛКСМ-нь горкомсь тя пингс тьянь колга мезевокс аф содай, а кда со-дай, то изь прима кодамовок ме-рат, штоба аф нолдамс срадома комсомолецнень.

Колхозса председателсь Кули-ков сон жа парторгсь, тоса ВКП(б)-нь 4 члеть и улихть кан-дидаттка. Но Куликовть сельме ин-голенза срадсь комсомольской ор-ганизациясь и сон тьянь лангс изь шарфта кадамовок мяль, мьяргат тяфта и эряви.

Сон озань седихть корхтай: „1935 кизонь пцтай февраль ковста сязо-мок (Ларионовть панемда меле) минь колхозсонок комсомольской организация аш, а тьяста шарьхко-деви и комсомолецнень йоткса ра-ботавок аш“.

А мзярда кизефтезь Куликовть —кода тьянь лангс ваны парторга-низациясь, то сон отвечась: „Пар-торганизациять соньценгя рабо-тац аци эйндамань точкаса. Мон аф съопса, моньць парторгсь, но аш мзярда партийнай работать мархта возендамс, мон пях заня-фан эсь колхознай тевнень эса“.

Пара хоть соньць видькстай эсь мезеньгя афтиендемани колга.

„Гиганть“ колхозть лемоцка кор-хтай колхозть вельф оцю шинц колга, конац эса пях лама рабо-тай од ломаньда, но синь ащихть ширеса сембе коммунистической воспитаниять эзда, сембе Саранс-каень ляды од ломаттнень йот-кса йотафневи политтонафнемать-нень и культурнай мероприяньнень эзда. Киза ни йотни, кода аш сонь эсонза комсомольской организа-ция, аш работа комсомолецнень и аф союзнай од ломаттнень йотк-са.

„Гигант“ колхозса комсомолецне работайхть ответственной работаса и ответственной вастова 6 комсо-молецт работайхть трактористокс, работайхть конюхокс и лия васто-ва, но синь колгаст кивок мезевокс аф содай, нльня парторгськя Ку-ликовсь содай анычек 3 комсомо-лецт сембоц колхозса.

Куликов корхтай: „тянь колга содай горкомське, тьяса ульсь кода, бди горкомонь работник. И кда видит нят валхне, то сяда аф про-стиндавомшка горкомти тя фактсь, што содай тя печальнай положе-ниянь колга и тя пингс мерат изь прима.“

Колхознай од ломаттне йорай-хть кеподемс эсь политической со-дама шисон и культурнай уро-веньшон, йорайхть аф лядомс фталу эряфть эзда, теест анычек эряви руководства и лезкс, конанц нядьятама Саранскаень ВЛКСМ-нь горкомсь макссь теест.

Арги.

Пуроптф общеобразовательнай школа

Березники. Октябрь 1-це шистон-ца илять 7 часста районнай цен-траса полной средняй школаса станя шумна, кода мзярдонга изь эрьсе. Марявихть морхт, то рево-люционнайхть, то дальневосточнай Якстерь армиять колга, то „Весе-лай ребятань маршсь“. Сембе ло-маттне вельф веселат. Эздост сем-боц пуромсь 17 ломатть синь ком-сомолецт эздост паледа ламоц рай-оннай активть эзда. Синь састь школав сянь инкса, штоба прове-рялезь содама шисон, кие кодама группаса кармай тонафнема

Аф лама пингта меле классу су-вась полной средняй школань учебнай частть заведующаец Ду-даков ялгась, сон ВКП(б)-нь членкс кандидат и комсомолец. Ламоц нят пуроптф од „ученикне“ эзда кафта часта сей самдост инголе марса шутендакшнесть, петькшнесть Ду-даков ялгать мархта. А тьяни сувась

тя классу серьезнай шамаса ло-мань. Сон шуроста корхтазь азозе, што вов васень условиясь—кар-тузса школаса улемс аф эряви, занятиятнень пинкста кодамовок шум, корхнемаць станяжа тьяст уль и ст. тов. Сяда меле сьормадозень сембонь фамилиясон.

— Ворожейкинць тьяса?..

— Да—марявсь вайгаль.

— Пожалуйста—терьдесе сонь доскаги; марявсь вайгаль ули. Во-рожейкинць, аф ламода пелезевсь, якстерьгодсь шамац, шукадесе прянц.

— Кунара ни ашень тонафне корхтай сон.

Экзаменаторсь кизефтезе мзяра-класс аделась, сон отвечай—каф-та. Преподавательсь кармасть ки-зефнеме математикаць, а сяда ме-ле лият,—тись заключения, што можешь тонафнемс 5-це класса.

— Кусайкин. Ули?

— Да!—марявсь вайгаль.

— Пожалуйста доскаги!.. Эряк серес аф оцю Кусайкинць мольсь доскачь ваксс.

— Мезе аделать?

— Велень школать и 8 каф улень статистиконь курсса. Сембе кизефкснень ланкс максси цебярь ответт. Няеви, што лама работась эсь ланксонза. Сон максозе экза-ментть 6-це классь инкса.

— Значет кармай тонафнеме 7-це класса,—тись заключения экзаме-наторсь.

— Да судовольствию,—марьгсь Кусайкин ялгась.

И тяфта илядень перьф тийф экзамен сембоньди. Экзаменаторсь тийсь тяфтама общай вывод, што эряви панжемс кафта класс—5-цет и 7-цет. Ся мес данной контин-гентсь знаниясон коряс можна явфтомс именна тяфта.

Ив. Сибирский.

ТИЕНЬДЕМС ОБРЗЦОВАЙ СТАТОТЧЕТТ

ВЛКСМ-нь ЦК-сь и обком-сь аф вестъ лятфнезъ статотчетонь об разцовайста максематъ значениянц колга. Тя сембода пяк эряви ВЛКСМ-нь райкомтненьди сяс, меса пингс ламоц ВЛКСМ-нь райкомтнень статотчетсна аф няфнесазъ лац-рядс комсомольской организациятнень шамаснон, лама эсост аф точностиа и эльбяткста, конатнень коряс и эльбядкшнихть сятка, кие кеми теест и аф критически пользовандакшнесыне нят статотчеттнень.

ВЛКСМ-нь ЦК-сь теучесттъ колга эсь решениясонза азозе, што эряви союза ладамс отчетонь и статистику тевсь. ВЛКСМ-нь ЦК-сь эсь решениязон эса сьормады:

„Азомс сембе комитеттненьди што сядатов ВЛКСМ-нь ЦК-сь аф кармайт примемост сят статотчеттнень, конатнень эса аш действительнай разясненият организациян составса эрсекиши процес-снень колга. И кармайт таргс-вома инь строгай ответственность сят, конат срафнесазъ та пугфкст.“

Но мезе минь няхтима? Няхтима сян, што ЦК-ть та предуп-режденияц та пингс ламоц райком-онь секретарьхнень мархта эряфс аф йотафневи. Сяфтиа тяфтами кепоткст.

Ардаговань ВЛКСМ-нь райкомс максс обкому 1-це кварталонкса статотчетт к о н а ц кемокстаф ВЛКСМ-нь райкомт бюросонза и сьормадф (подписанай) секретарьт Левинон мархта. Сонь эсонза азфт:

Парт ядрасъ—59 ломатт, квар-талста примаф—41 л. нацсоставсъ:

рузда—449, эздост стирьде—95, мокшэрьяда—229, стирьде—34, 2-це кварталонкса: партиядрасъ—33 л, примафта—53 нац составсъ: рузда—571, эздост стирьде—127, эрьяда—173, эздост стирьде—14.

А мезе нейхтима 1-це полугодия ста? Сембоц 1935 кизоня примафт 78 ломатт, I и II-це кварталхнень сембоц примафт 94 ломатт. Нац составса рузда—525, эздост стирьде—103, эрьяда—153, стирьде—14. Таста няеви, што парт яд-ратъ количествакирьсь 26 ломань-да. Примасть кафта кварталонь пингт 94 ломатт, а палекизонкса азондыхть примаф—78 ломатт, эрзянь стирьнянь примамасъ II-це кварталста кирьсь (14 ломаньц 34-ть васьц I-це кварт.) Тядя башка райкомс статотчету сувафтс 68 ломатт, конатнень аш райкомса личнай тевснозок. Неяви, што Ле-вин ялгасъ сьормадозе фамилиянц отчетт алу, а соць афи ванон-дозе лац-рядс статотчетт. Секре-тарьсь афи шарфтс мяль та бе-зобразнай факт—парт ядрань, стирьнянь процентт кирьфтаманц лангс.

Ардаговань райкомт ошибкац тоса, што ашезь кучь объяснитель-най записка, коса ба азондоволь-мес та тяфта ащи тевсь, а сон мя-лень атак шарфт механически подписал статотчетт. Эряви мя-ляфтамс райкомтненьди, што нят политической шифрат, што бюро-са статотчетонь ванондомасъ по-литической ответственной кизефкс, и статотчеттне эрявихть тиеньдемс-стане, кода ваши тьян колга ВЛКСМ-нь ЦК-сь.

Бух.

ЦЕБЯРЬСТА ЛАДЯФ РАБОТАСЪ ПИОНЕРХНЕНЬ ЙОТКСА

Саранск. 2-це № начальнай шко-ласа ули пионерской организация, коса лувондови 80 пионер, конат явфт кафта отрядга, эрь отрядса 40 ломань.

Вожатайс Усова ялгасъ добро-совестнай честнай работанц вельде эсь работасонза сатс оцю сатф-кст.

Кафцка отрядтнень эса улихть от-рядонь председателхть и секре-тарьхть.

Кафцке отрядтне явфт звенава, эрь звенаса кемонь ломатт, коса станя-жа улихть звенань вожатайхть.

Тя пионерской организацияса ули отрядонь совет, кона вятсы сембе тевт пинерской организа-цияса.

Пионерской организацияса ули работань вятма план, конань вельде пионерской организацияс вятсы эсь работанц, станя и улихть башка плант отрядтнень и баш-ка звенатнень эсовок.

Сентябрьста пуропнефт колма марстонь пионерской сборхт, йо-тафт сборхт башка отрядтнень и звенатнень эсовок.

Фкя сбор пуропнеф аныцек сян колга, што фкя пионер салась, мезе бди и сянка та пионерт сборса максст пионерской наказание.

Таста няеви, што пионерской ор-ганизацияс цебярьста зоботендай и кирьди ответственность эрь пио-нерт инкса и ваныхть эрь пио-нерхть мельга.

Тя пионерской организацияса пуропфт кружокт, конатнень эса работасъ йотафневи аф калдывас-та.

Сявсасъ хоровой кружокт, ко-за суvasъ 35 пионер. Тя пионерс-кай хорс анокласъ лама мор и тиендс выступление учебнай пун-ктса.

Драматической кружоксонга тевсь моли аф калдываста, конац путнесъ спектакль уч. пунктса. Пи-онерхне физкультурнай кружоконь четтне тоса жа тиендс физкуль-турнай выступленият, пионерхне азондс дикломиат, нюрхкияна рассказ и стак тов.

Аф калдываста ащи тевсь и авимо-дельнай кружоксовок. Авиамодель-най кружоконь четтне якайхть аэроклубу, идень технической стан-ция и тоса тонафнафнихть и тиендихть авиамодельхть.

Культурно-массовой работасъ та пионерской организацияса станя-жа ладыф аф калдываста. Эрь вы-ходной шиня пионерхне и школь-никне якайхть организовайнаста кино.

Добровольнай организациятнень эса работасъ ладыф цебярьста. Сем-бе добровольнай организациятнень эса, конат пуропфт та пионерской организацияса, кода МОПР, ОСО СББ—сембень эса улихть работа-мань плант, конатнень коряс доб-ровольнай организациятнень эса вятев работасъ.

Аф виномок ня сатфкснень лангс та пионерской организацияса улихть ниньге оцю аф сатыкст,—та ся што аф нолневи фкявок-стенной газета кода марстонь школьной, станя и пионерской, ом-боцс та ся, што пионер вожат-исъ цебярьста аф содасыне доб-ровольнай организациян руковод-ительхнень, а руководителкс ра-ботайхть учительхне.

Ня афсатыксне эрявихть лувомс и пионерской отрядт работанц ла-дымс ошса инь цебярьста.

А. Дуйков.

Мокшень газетатнень и журналхнень лангс ваныхть великодержавнай шовинистскс

Атак ватт сян лангс, што ВКП(б)-нь обкомс лихнесъ аф фкя путфкс Мокшэрьян газетатнень и журналхнень распространенияснон колга; атак ватт сян лангс, што ВКП(б)-нь обкомт культпропонт эзда ульсь кучсфг башка отно-шеният ВКП(б) нь райкомненьди мокшэрьян литературат калдыв-распространениян колга; атак ватт сян лангс, што лама тьян колга ульсь сьормадф ни гезетаса и атак ватт сян лангс, што ВЛКСМ-нь обкомт пленумоц сентябрь ковт (1935 к.) 23-це шинц эзда сявомок путфксон сатомшка каяжиста пу-тозь кизефкст областной комсо-мольской газетатнень калдываста распространяндамаснон колга, ся-коккс Рыбинской районца мокшень калды газетатнень, журналхнень и лия ды литературат лангс ваныхть шовинистскс Фактне корхтайхть синц эсь инкост: 1. „Мокшень правда“ сембе району якай аныцек—184 экзemplархт. А вдь Рыбинской районца 11 мокша ве-лень советт, конатнень эса лувон-дови 4359 хозяйстват. Лисеньди—эрь 24 хозяйствати сашендови средняяста фкя № „Мокшень прав-да“ газета, ато и сязок аф сашен-ды, сяс мес 184 экзemplархнень эзда пугай палесна тушендыхть учреждениятнень ланга.

2. „Комсомолонь вайгаль газе-та“ району якай—32 экзemplархт, конатнень эзда 20 экзemplархне тушендыхть учреждениятнень лан-га и аныцек 12 экзemplархт якайхть комсомолечненьди, лиякс азомс средняяста сашендови 32—33 ком-сомолечи фкя № газета „Комсо-молонь вайгаль“ (сембоц комсомо-лечта районца 393 ломань).

„Якст-рь галстук“ журналда сем-бе району якай 8 экзemplархт! Ко-натнень эзда 7 экзemplархне лияд-шихть районнай центрань аныцек фкя журнал якай вели (Сире Са-май велень школа в). А вдь сембе районуца мокшень школада—23, конатнень эса тонафнида—3400! Лисеньди-станя, што „Якстерь галстук“ жур-налт сембе районуца лувондсы аны-цек фкя ученик (да лувондсы ли?) а 3399 ученикт сонь сельмосостка ашезь ний!

4. „Колхозонь эряф“ журналда району якай 6 экзemplархт: Нийф, што „содасазъ“ Рыбинской район-ца эряйхне журналт!

5. Мокшень калды литературасъ райпотребсоюзонь магазинца ма-раф кучас и кивок сонь колганза аф беспокоиндай. Раймагазинонь заведующайс—Макеев нльня афи интересовандас кодама книгат сонь магазинзонза. Октябрь ковт 7-це шистонза ульсь стама случай учительхне кизефнихть Макеевт калдыста произведенийснон мок-

шень писательхнень и поэтнень, а сон теест отвечаеъ: „аш монь тьяс стапт... А вдь магазинца сянон экзemplарса ваяндайхть мокшень писательхнень произве-дениясна.“

Кит тьяс конкретнай музорхне?

Васендакига, Рыбинской поч-тасъ мокшень газетань и журна-лонь распространяндамаса бездель-ничендай. Райпечатань „началь-никс“—Федотовс ащи аф эсь вастсонза, сон надьяй самотект лангс. Вагот сонь валонза: „Мок-шень газетатненьди подпискань йотафтомасъ стака, а рузоннет-неньди сядат тьожда... Тьяка жа премудрай „начальникс“, корхтай, што велеса жалендайхть: „аф шарькодевиаста сьормадфг мок-шень газетатне“. Мязрда Федо-товт кизефтезь:

— Организовандакшнеть ли тон газетань распространенияса рейд?

Сон отвечаеъ:

— Аш!

Может ли тяфтами работникс эряфс йотафтомс ВКП(б)-нь и ВЛКСМ-нь обкомнень тутфксон? Конечно, аф!

Омбоцс, ВЛКСМ-нь райкомс (секретарьс Фенин ялгасъ) мяль-ска ашезе саявонде „Комсомолонь вайгаль“ газетат— ВЛКСМ-нь обкомт органонц. Рыбинской ВЛКСМ-нь райкомс ВЛКСМ-нь обкомт путфксонзон (газетат колга) закононди аф лувонд-сыне.

Колмоцс, РайОНО-сь юкстазе партият и правительстват путфкс-снон идтнень воспитанияснон кол-га—вдь мокшень идтнень—школь-никнень воспитаниясост эсь род-ной калды журналт—„Якстерь галстукт“ ролец вельф и вельф-оцю! А синь тьян колга и думан-дамдонга истъ йора!

Нилецс, ВКП(б)-нь райкомс станяжа та политической важнай тевт лангс эрявикс мяль ашезь шарфне и аф шарфни.

Сембе вьре азондфть эзда шо-винистической тон максф и лияды организациятненьдинге. Рыбинс-кой районца лама стама велень советта, конат аф получадакш-нихть фкявок экзemplар мокшень правда“ вельсоветонь аппарату. Кепотксонди, Рыбинской вель-советс—председательс Сараевс (эрья). Сараевс корхтай: „мон аф шарькодыс мокшень правдат, сяс и ашень сьормадфга... Марьяк сембе светс „предт“ лангса, ко-ли сон эрья и аф шарькодыс м о к ш е н ь г а з е т а т ь, то и аф эрья вельсо-вету ВКП(б) нь о б к о м т ь и МАССР-нь ЦИК-ть органцонзок.“

ВКП(б)-нь Обкомти эряви ко-шардомс Рыбинской райкомс, штоба сон эсь организациязон мархта афоль кеворь сядат ичкози. Виард

ШАРФТОМС МЯЛЬ ПИОНЕР ОТРЯДТЪ ШИРИ

Саранск. 14-це № начальнай школаса ули пионерской отряд, коза суvasъ 50 ученик.

Тя пионерской организацияса та пингс кодамовок работа изъ вятев.

Васенда пионер вожатайкс рабо-тасъ Арестова ялгасъ, конац „ра-ботасъ“ аф добросовестнайста, ви-деста азомс ковоны кувалма мезе-вок изъ тие, и сонь кучезь вожа-таень курсс. Кодамовок кружок и добровольнай организация атак пуропттоль, кла ульсь доброволь-най организацият, носинь аныцек кагод ланксот, а тевса мезевок атак тийхть.

Тяни октябрьста ВЛКСМ-нь гор-

комс кучезь пионерской вожа-тайкс Кондакова ялгасъ, конац кой-мезе тийсь ни. Васендекига Кондакова ялгасъ отрядт явоза звенава, кочкаст звенатненьди во-жатайхть.

Пуропфт добровольнай органи-зацият кода ОДН, СББ, конатнень эса ниньге работасъ ладыф пяк лафчста.

Кандакова ялгасъ корхтай; „што пионерской организацият рабо-тань ладыса инь курок.“

Надыатама, што Кондакова ял-гасъ пионерской отрядт работанц ладысы.

Д. Умб-й.

СЯПИ ТЕВ

(П. Левчаевъ „Сяпи шит“ повестець, лангс. Морд. ГИЗ
1935 г. редакторъ Ильинков)

Аф сави лама корхтамс сянь жолга, што идтнень коммунистической воспитанности вельф ошю ролец идень художественной литературы. А сяс саван лангзон смел ши марьгомс, што идень художественной литературафтома коммунистической воспитанности кармай улема посснай, пале бокка и храмой.

П. Левчаевъ „Сяпи шит“ повестець мокшень художественной литературы нюрхкяня история-сонза аши идень васеньце произведенийкс, конац лиссь башка изданийса Эряви азомс, што „Сяпи шит“ повестець пильксонь пилькс лисеньдсь „Якстерь галстук“ журналса; но сяс мес кона ширьденье апак шарфтоль мяль „Якстерь галстук“ журналть лангс мяльфтома лиядсь и Левчаев ялгась „Сяпи шит“ повестець. Теенза ашель практической лезкс, штоба петемсонь афсатыксонза повестець журналса нолдмань пингста и башка изданийса нолдамс стаця, штоба афоль уля ба эсонза фкявок „равжа васта“.

Васенда лоткан стама афсатыкс лангс, конатненьди аф прокс мувор авторь:

Васеньцесь, книганысь печатлаф стама шрифто, што микроскопнь пачк эряви лувомс, но коданга аф идень книганы шрифто.

Омбоцесь, книганыса 161 аф ошю страницань, конатнень эса 500 ошю корректорской эльбядкст. Кепотьксоньди „помова“ (потмова), „шаманза“ (щамонза), „каомась“ (комась), „сильмеденза“ (сельмеденза) и ст. тов.

Колмоцесь. Препинаниянь знакне путнефт йофси аф эсь вастоваст—йоряфт книгать эса, кода виденьдема аф маштыень видьмот. Вов кепотькс: „Илять сон тюрсь тядять мархта, а шудава эсь мархтонза: маладсь школать тейсь, а сяда тов аф асколяхть пильгонза—пели: кода сувамс? (44 стр.)

Или: „Куць крылец лангты и, кулхенды“. (45 стр.). „Но сон пяк пара ломанць, кода няевсь Антошати: (46 стр.) и ст. тов.

Нилецесь, сембе книганыса кона ширьденье апак ватт правописаниянь правилатне. Кепотьксоньди: „афоцка цюрания“ (7 стр.) (Эряви: „афоцю цюрания“), „фкя лаец“ (8 стр.) (Эряви: „фкя лаца“ „Кось-кост кяттня—пильгня“ (9 стр.) (Эряви: „Коськост кядьтне—пилькне“) и ст. тов.

Эряви азомс, што эрь мокшень кадья лиссь произведениясь или книганысь ащи пцтай учебниккс мокшень школатнень эса. Минь произведенияньконь и книганыньконь коряс школатнень эса, кода идтне, а станя и педагогковок сидеста тонафнихть правильна, сьормадома, синь надьяхть, што книганы нолдайхне—издательхне грамотнайхть...

Но сембе бедась тоса, што „Сяпи шит“ книганыть эса афсатыксне аф анычек сят, конат азондфт варе, а колмонь крда сяда лама, конатнень колга мон и карман корхтама.

Васендакиге эряви азомс, што сембе книганыть эзда няеви авторь аф грамотнай шиц, кода политической, а станя жа и художественной ширьденье. А элементарнай содама шифтома коданга аш кода максомс стама творчества, конань колга эсь докладсонза корхтась М. Горькайсь советской писателхнень васеньце с'ездсост, што: „Творчествась—тя мяляпнень (па-

матть) работамосст стама напряжениянь степень, мзярда синь работань вий шисна лихны содама-шинь запаснень, впечатлениатнень эзда сяда няеви и характернай факт, картинат, детальхть и сувафни синь эсост сяда тсчнай, яркай и сембеньди шарьхкодеви валхнень эс“.

Вов тянь—основнойть—апакшарьхкодть и Левчаев ялгась сьормадсь стама произведение (творчества), конань „темац резиновой, а кялец гутаперчевай“, илякс азомс (сяда кяжиста) „Сяпи шит“ книганысь лувить ингели арси навозонь маркс, конань эзда, шиньперф сьовлямдонза меле, аф муят фкявок зернания А писателень с'ездса писателсь—Соболев ялгась марьгсь: „Партиясь и правительствась писателти максозь сембень, анычек нельгсть кядьстонза фкя-кальдявста сьормадома правать“

Но уш сянгса Левчаев ялгать кядьста коданга нинге апак нельгть кальдявста сьормадомань праватне. Вов кодама сонь „художества“ (сравнениянза, метафоранза и эпитетонза): „Пурясть пильгонза, мяньцевсть сярхканза“.. (А сярхкятне аф пильгт штоли? (33 стр.).. тарадсь иськордазе сельмоть мархта шеканц. Шеканц ланга льякс шудесь версь, а сон йонфтомокс ласьксь перетьнень туркс, да мезе вий пишкодсь: „Тядяй!!!“ (36 стр.) „пинекс ласьконь демат и пенедя пяк сизьсемеать“. (38 стр.) „Калавалонза пашкодсть сярхктада и пожалуй ситка тифтедсть ни: пяк ни китнихть“ (39 стр) Мярк сярхкне сифтема шачендыхть? (Корхтамась моли Антошати—Геройть—колга. А вов Антошати акац корхтай:

— „Ой, пьяный—туганый; да мезь тыфта трий атыть лангс рахсать?!. Грех!!!“ (Шарфтода мяль знакнень лангс—настоящай чеховскай восклицательнайзнакт!.. (40 стр)

„Учёмань тошнать потмоса Антошась йотафтьс анычек кафта шит, колмоце шиня прафтсь лов и сальде изь солсе“. 43 стр). А кие прафтсь лов?)

Или: „а рузкс—шит капста мархта!“ 44 стр.) (Мярк тяфтанга мокшетне корхнихть?) „Пильге суронзон йоткова начксь пркштыи эсь шаманц, ведсь сельмонц, а сон ке-нордась“... (56 стр.) (Аф предложение, а ребус).

Авторсь эсь героенц пачфтезе вокзалу. А коли уш станя, то тани и йофси вальготна вульгарничендамс Сон сьормады; „Кевонь тияксть ланга шаштомста нефтесть Антошати одаронза, а ящикть малас пачкодёмс сязевсь нльня ушкороц, нвольсть понксонза, лиссь бедранза“. (78 стр.)

Можна нинге лама кемотть тяфтама жа похабщинада няфтемс, но думан сатыхть нятка, штоба марьгомс: действительна авторь эса ули педагогической образования и культурнай ши коли уш идтненьди сьормады тяфтама „произведения“.

Мокшень литературась—тевьс одмонь эсонза ошю сатфкснень мархта рядсь улихть и ошю афсатыкстка, Конатнень минь лувондсайнек касокань афсатыксоньди, илякс азомс мокшень художественной литератураса улихть и цебярь произведения-нятка улихть и кальдяфтка, но тяфтама кальдяв произведения, кодама Левчаевъ „Сяпи шинза“, нинге ашель. Надьятама тя ули мекпальцесь! 1935 г.

Мзярда ина кармай работама соцкультурань кудсь?

Б. Березникась районнай центра. Сонь эсонза б тьожавьда лама эряхть и пяк лама од ломаньдф. Но эряви азомс, што синь йотксост культурнай работа пцтай йофси аф вятевы. Кепотьксоньди сьавомс соц культурань кудть. Работа сонь эсонза аф вятевы кода ни кафта кофти и клубсь тя пингс пякстаф замокса.

Од ломатнень эсь досугсон йотафнесазь кода—повсь (эсьотям). Сядот цюра шабат и стирьхть якяхть ульцява моразь и организонвадкшнихть кругса налксемат; няеви, што ули мяльсна организонвайста налксемс, но аш организатор. Райклубонь масовикне Токарев и Ворожейкин ялгатыне тя мяльть аф йорайхть использовандамс и аф сьавсазь одломатнень эсь комсомольскай руководстваснон алу. Нят масовикне кода ков ни срхксихть добувамс стулхть клубу, но стулхть тя пингс аш. А одломатнень и лияды колхозникнень ули ошю мяльсна культурна йотафтомс ваймама пингсна.

Березникаса улихть лама культурнай и образованнай ломатть: врач, учительхть, улихть граждан-

скай войнань участник и ст. тов. мес ба теест аф тиёмс беседат колхозникнень йоткса? Но тя аф йотафневи. Одс паньчф библиотека, кода одломатнень сьавондихть лувомс литература, но лувф литературынь колга обсуждения аф йотафневихть. Улихть радиотехникт, конат можнальхть ба использовандамс одломатненьди технической кружоконь организонвадамаса.

Даже инь эрвикс кизефксне, кода физкультурась и военной тевьс йотафневихть пяк кальдявста. ВЛКСМ-нь райкомсь лифнесь лама решения, конат марьгоньдсть райОФК-ти оборудовандамс физкультурплощадкати, но тя пингс сон апак петть, а станя жа и тирга аш.

Культурно—массовой работать йотафнемс сембе условиятне улихть, синьценъ одломатнень мяльсна культурна йотафнемс пингть тожа ули, анычек ВЛКСМ-нь райкомти и райОНО-ти эряви видекс кярьмодемс тя мероприятиять эрэфс йотафтоманцты и ладямс руководствать культурно-массовой работать лангса.

А. Б. — й.

МАССР-нь ЦИК-ть президиумса

Природань памятникнень и материалнай культурань ванфтомасна

Мордовиянь вирьхнень эса шуфтнень кизоснон содамаса, природань памятникнень тонадомаса (изучениясь) и синь эсост отметкатнень—знакнень, конатнень тиендезь—ингольденъ мокшэрзянь бортнай ухажайхне кода синь собственностнон лангс и особай знакнень содсемаса научно-исследовательскай работань йотафнеманкса ЦИК-сь мярькс леспромхозонь директорненьди и местнай значениянь вирень управлениятненьди сьавомс учетс шуфтнень (тумоть, пашеть, пичеть и лиятнень) 200 кизоста сьавомок и сяда сиретнень ванфтомс синь кода пмятникт и пачфтемс куля Мокшэрзянь культурань научно-исследовательскай институту.

ЦИК-сь шарфтсь крайисполкомонь президиумти знялькс (просьба) мархта, штоба йотафтомс эрэфс крайса тя мероприятиять, кода Мокшэрзянь районга станя и лия райоттнень эсовок, кода эрять Мокшэрзятне, кода ульсть расположеннайхть Мокшэрзянь бортнай ухажайхне.

Райисполкомтненьди и вельсоветтненьди мярькф сьавомс учетс территориятнень и васттнень, кода ульсть расположеннайхть ингольденъ Мокшэрзянь городишатне, калмотне и кургантне и пачфтемс куля Мокшэрзянь культурань научно-исследовательскай институту. (Морд. ТАСС.)

ПУРОПТФТ КРУЖОКТ

Зубу. ВЛКСМ-нь ЦК-ть XI пленумонц решениянзон кочксемок, а станя жа Крайкомонь, обкомонь и райкомонь пленумтнень путфкс-снон коряс пуроптфт общеобразовательнай дисциплинань тонафнема кружокт.

1. Ширингушса, конань эс фатяф 13 ломань.
 2. Районнай центраса-30 ломань.
 3. Березенской вельсоветса фатяф-10 ломатть.
 4. Дубасовской вельсоветса фатяф-20 ломань.
- Тяда башка районнай центраса пуроптфт мокшень кялень тонафнема кружокт.

Уполномоченный главдато № 1577. Тираж 2032. Заказ № 3030.
г. Саранск типография „Красный Октябрь“ Мордгиза

МАССР-нь Совнаркомса

Республиканской больницыса нервно-психиатрической отделение

Республиканской больницыса нервно-психиатрической отделениянь аф улямась кирьнезе васендакига нервно-психиатрической отделениянь эсь пинькстонза госпитали путомаснон. Ня сярдихнень лия ошка лечиндама кучсемасна стая пяк питниста, йотафтома лама средства.

Тянь лувомок Совнаркомсь мярькс Наркомздравти панжемс республиканской больницыа отделение, нервно-больнойхненьди 15 койканьди.

СВЯЗЕНЬ УДАРНИК-ОТЛИЧНИКНЕНЬ СЛЕТСНА

Совнаркомсь мярькс связень республиканской отделенияти октябрь 15-це шистонза терьдемс ударник-отличниконь слет.

Совнаркомсь мярьги слетти ванондомс конкурсть, связень лучшей предприятиякса печатень пачфтемать колга (ССР-нь ЦИК-ть 1935 г. августь 23-це шинь путфксонц пашкодемандь коряс), связень органианень эса хищениятнень и растрататнень мархта тюремать колга.

ОБРАЗЦОВАЙ УНИВЕРМАГ

Совнаркомсь мярькс горсоветти, Саранскайса строямода аделахшневостинницань алуа этажть (советской ульцять ширеса), максомс ГОРТ-ти мишеньдема (торговай) помешенияньди.

Совнаркомсь мярькс ГОРТ-нь директорти Мальцев ялгати инь курук максомс стройканторати лимитонь остатокть магазинонь строительстваньди 25 тьожань цалковой, гостинницати алу этажзонза образцовай универмагонь оборудованианьди.

Стройканторань директорти Ашуртов ялгати мярькф, сембе строительнай работатне аделамс октябрь 20-це шиньцы самс.

(Морд. ТАСС.)

Отет. редакторть полафтыец
С. С. ЛАРИОНОВ.